

沈乃文 主編

明別集叢刊 第一輯

第七十冊

黃山書社




沈乃文 主編

明別集叢刊 第一輯

第七十冊

黃山書社



(明)楊一清 孫繼魯 楊繩武 傅宗龍 王錫哀 撰
李根源 輯

明滇南五名臣遺集

清宣統三年刻本

宣統辛亥六月

明滇南五名臣遺集

昆明吳琨署

明滇南五名臣遺集序

人必有所慕然後有所效有所效然後有所成人至於成而止矣成人有三術一曰親災二曰私淑三曰尙友親災者同時者也私淑者不同時而有人傳其學者也尙友者無人傳其學而求諸遺書者也親災不可得則私淑私淑又不可得則尙友尙友者讀其書而慕之慕斯效斯成在我而已惡有不可得哉故成人之術莫要於尙友尙友之中又有三焉一曰古之先正二曰國之先正三曰鄉之先正古之先正求之經史子集人不一類視所慕者而效之國之先正求之國史之紀錄國朝名人之傳述人不一類視

明滇南五名臣集

陳序

所慕者而效之鄉之先正求之鄉里之志乘鄉賢著作鄉父老之傳聞人不一類視所慕者而效之三者皆足以成人而地近情親見聞確感發易入者尤莫如鄉之先正此非吾一人之私言古之先正有行之者趙文子之慕士會文信國之慕歐陽非其鄉之先正歐國之先正有行之者胡文忠之慕陳恪勤岑襄勤之慕陳文恭非其鄉之先正歟及其成也趙文子爲晉賢大夫文信國爲宋忠臣胡文忠岑襄勤爲本朝中興名臣顯當時傳後世以其能慕而效之之故也吾滇爲古蠻荒地今居中國亦號邊省數地望無推演者論人望亦無推演者士生其鄉而必以鄉

明滇南五名臣集

陳序

先正爲歸此與孟子所謂齊人僅知管晏者何異庸詎知天之生才不限以地十室有忠信十步有香草又安得自輕其鄉謂滇無人耶騰越李生印泉輯楊文襄孫清愍楊莊介傳忠壯王忠節五公所撰著名日明滇南五名臣遺集合刊之問序於予予惟五公者吾鄉之先正也印泉集其書慕之也慕之斯效之其必能有成無疑矣顧印泉之志匪但成己又將以成人其願力可謂宏哉滇有五公爲明史光爲吾鄉增地望人望之重鄉人士誠慕之效之各底於成安在踵武五公者不背相望趾相接也人患無志耳果有志古之先正可尙友國之先正可尙友矧其爲鄉之先正雖然友也者志同道合之謂也慕而不效效而不成吾雖欲友先正先正將不屑與吾友矣嗚呼可不懼哉宣統二年春三月昆明陳榮昌謹撰

明滇南五名臣遺集序

古今豪傑有志之士往往捐性命糜頂踵出萬死不顧一生之計者何爲哉斬以有造於國家而已顧其幸者不死於摧抑挫折困阨磨軋僅乃得試而亦鮮克竟厥施焉其不幸者則死於摧抑挫折困阨磨軋而不得一試者比比然也求所謂行義達道暢然而滿志曠世難其遇焉論者輒委之曰運會吾竊謂運會者人事之所釀而成者也有谷微吁咈之人事斯成明良喜起之運會以堯舜禹湯文武而爲君其必無摧抑挫折困阨磨軋以死之臣顧安所得居天位者而皆聖人乎聖人不世出天位不虛懸治日少而亂日多徒令有志者捐性命糜頂踵不得一試而與

明滇南五名臣集

孫序

一

國家以俱燼讀史者所以歛歔憑弔於不能自己而太人君子固嘗推原本始謂人不足與適政不足與間政孜孜以正君爲急務而又甚難焉上觀千古下觀千古正君而克終允德者阿衡而外尙有誰哉夫股肱耳目身所藉以爲用而與之俱生者人雖至愚未有自殘其股肱耳目者自殘其股肱耳目則身無所藉用而與之俱死矣奈何堯舜禹湯文武而後自殘其股肱耳目者之多也數千百年來相推相激人事變於下天道移於上遞衍遞嬗以至於今竟乃別出一途以相待其亦事勢之所無可如何者乎譬彼舟流不知所屆矣騰越李生印泉以諸生而從事兵學東瀛卒業歸來有任重道遠之志尤好摯求鄉先輩遺文

明滇南五名臣集

孫序

二

竭資刊傳藝華惟日不足其志趣爲何如茲輯楊文襄孫清愍傳忠壯楊文毅王忠節五公所撰著爲一集問序於余余讀而悲之悲夫文襄以一時無兩之才大略偉烈已表表著見而猶屢遭困躓卒至勳耆重臣不獲以恩禮終致恨爲孺子所賣疽發背死清愍耿介廉正橫遭非罪雖忍辱亦爲之訟冤而上莫之省疽發於項瘐死嗚呼可悲也已其時猶明之中葉也若忠壯文毅忠節生當明季滄海橫流不惜身命以爲國家卒乃與之俱燼而無補其尤可悲已夫人臣出萬死不顧一生之計以爲國家顧乃罹殘之不少惜其奈之何哉雖然孟子有言命也有性焉君子不謂命也然則有志者其亦惟請事孟子之語以斬有

造於國家幸不幸不以渝吾志也願以請世之讀斯集者宣統三年歲次辛亥夏六月既望南甯孫光庭謹撰

明漢南五名臣遺集序

人之精爽必有所寄而後能振休養望以起其
志意之的而存之用大者乎功小者文字圖象
肩精神實佳才其間以新於成度主人致其利
護生者遂美且之與其精神相通而愛之甚
取法而則微之沾音沈韻雖是而遂為人子哉
尚思之來形生必先心典聖有以感人之深而
致此邦五名臣有明代之人才史冊併感其美
楊文義以明弘治傳忠壯強勸楊文敏以忠
王出節其尤著者也其五名臣之於世蹟在後
出肝印年儲儲之文字何嘗不彰炳史籍傳
者後世亦安待文字以傳之歟然而仰止高山而

為通其聲歟余嘗至道陵江臨焦山寺摩

挹文義之書生品以西北郭中忠壯法臨之
悅以強勸信文敏故其道試院訪求臣風節
遠心悅慕海遠其愛由然不覺目已而況讀其
神所寄之書其身是又榮仰之心與愛仰之心
所併而發乎表也自反 李氏即永修文華
姻家孫學生平慕卿先生文義故學之為人
古之操之遺集今而刊之以行于世嘆其何如
時卿等之風雲氣從步讀其書者果能
至常則心文義法然之心要則志未壯矣故出而
之亦以蔚為有用之才而感其時之風氣者即
印利刊此書以傳其文也宣統三年夏廣西陸度

根源自幼輒喜聞鄉先哲軼事而於楊文襄孫清愍楊文毅諸公爲尤篤泊讀明史至紀及傳忠壯王忠節馬愍烈龔尙書諸公事畧則妄自期許掩卷太息曰男兒生世脫丁變故顧不當如是耶景仰之心由是益切惟自恨生不並世不及親炙家鮮藏書莫由蒐輯諸公事實言論以爲矜式嘗用歉懷迨庚子出遊省垣始得搜羅滇中史乘與夫故家秘本瀏覽之餘摘錄諸公奏議著述叢爲一編鈔訂未竟携以東渡友人某見而小之謂吾輩居今日當高瞻遠矚觀察東西古今偉人以陶鎔新道德徒求之於一鄉一邑之間斷簡殘編之末毋亦執德之不宏歟根源以爲否否曩者根源亦嘗涉獵東西歷史及世界名人記錄

明滇南五名臣集

自序

人文

矣其間足以濬發吾智識開拓吾心胸者實繁有徒而精神之感發終無如諸公之於我切微論西哲若福澤若西鄉固世界所推爲東亞偉人也然自我視之恒不逮吾人之親切故觀感亦恒不逮日人蓋觀感之道與感情相連繫非可強而致也根源生長極邊學殖淺落何敢望諸公肩背而景仰之切則十餘年來未嘗或輟猶記居鄉國之日每過忠節文襄故里及謁清愍忠壯墓輒徘徊不忍去獨立於斜陽荒草間優乎若有見愾乎若有聞今雖旅居美國六載於茲然對此一編嚮慕之殷視日本人之對西

籍猶有過之無不及也久欲鈔而訂之梓以公世幸未

從事鈔輯僅得楊文襄文三十首詩五百零一首孫清愍文一首詩一首楊文毅文一首詩五首傳忠壯文七首詩

五首王忠節文二首詩三百合而刻之顏曰明滇南五名臣遺集而馬龔諸先正遺墨卒得求弗獲嗚呼吾滇雖號山國然自傅沐藍三公百戰經營驅逐羣蠻而後徒江淮贛豫魯晉諸大族以實之而名士顯宦之謫戍而來者復頂踵相望二百年間賢哲輩出語有之深山大澤實生龍蛇諸公其金碧之靈而河嶽之光歟且吾觀諸公皆生丁叔季其行誼志節浩浩落落不可一世苟天而悔禍使文襄清愍得行其志卽不然使文毅忠壯得竟其功則文毅忠壯以後更無忠節可也更無非忠節而忠節如馬龔者

明滇南五名臣集

自序

二

人文

可也乃天厭周德元良自喪雖以文襄之豐功偉烈亦旋起旋仆其餘更崎嶇零丁汗血徒揮河山莫補一生耿耿精誠悉盡爲冷風野馬以去而形諸章奏發爲歌詠者又復燬於兵火傷於蟲鼠僅留此飄零敗牘甚至有并此敗牘而亦不留者斯亦諸公所無可如何亦後人所無可如何者矣然則是集之刊固不僅重諸公詩文已也根源景仰鄉先哲之思皆將於是乎寄讀是集者其亦同此概念

陸

戊申

十二月騰越後學李根源謹識於日本

明滇南五名臣遺集合刊

鄉後學李根源鈔輯

安甯楊文襄公集

文三十八首

詩五百零六首

附錄詩文十三首

昆明孫清愍公集

文一首

詩一首

彌勒楊文毅公集

文一首

詩五首

明滇南五名臣集

昆明傅忠壯公集

文七首

詩五首

祿豐王忠節公集

文二首

詩三首



目錄

108

明史本傳

楊一清字應甯雲南安甯州人父景以化州同知致仕擢之居巴陵少而能文有司以奇童薦爲翰林秀才憲宗仰內閣擇師教之年十四舉鄉試十八登成化八年進士父喪葬丹徒服除授中書舍人久之遷山西按察僉事以副使督學陝西一清貌寢而性警敏詩文書與李東陽相伯仲好談王霸經世大略籠罩豪傑以起聲譽在陝凡八年以其暇究邊事甚悉入爲太常寺少卿晉南京太常寺卿宏治十五年帝用劉大夏薦擢一清都察院左副都御史督理陝西馬政西番故饒馬而仰給中國茶飲以去疾太祖著令以蜀茶易番馬資軍中用久而寢弛好人多挾私

明滇南五名臣集 楊文襄傳

茶關出爲利番馬不時至一清乃請重行太僕苑馬之官嚴私通禁盡籠茶利於官以服致諸番番馬大集屯牧嚴修軍用亦漸足大學士李東陽尙書劉大夏皆善一清而材之會寇大入花馬池帝命一清巡撫陝西仍督馬政一清至寇畏退去乃選精卒教練之創平虜紅古二城以援固原築垣瀕河以捍靖虜劾罷貪庸總兵安武侯鄭宏等數十員裁鎮守中官冗費武宗初立寇數萬騎抵固原總兵曹雄軍隔絕不相聞一清乃從輕騎五百自平涼趨赴之眾即馬遮留不聽晝夜兼行抵雄軍爲之節度而張疑兵以脅寇寇移犯隆德一清夜發砲響應山谷問寇疑大兵至遁出塞一清進追擊之斬首二萬餘級勒石紀功而

明滇南五名臣集

楊文襄傳

又文上

這一清以延綏甯夏甘肅有警不相援患無所統攝請遣大臣兼理之大夏請卽命一清總制三鎮軍務尋進右都御史一清遂建議修邊牆其略曰陝西各邊延綏據險甯夏甘肅扼河山惟花馬池至靈州地寬延綏城堡復疎寇毀墻入則固原慶陽平涼鞏昌皆受患成化初甯夏巡撫徐廷璋築邊牆綿亘三百餘里在延綏者余子俊修之甚固由是寇不入河套二十餘年後邊備漸疎牆墜日夷宏治末至今寇連歲侵掠無虛日臣久官陝西頗諳形勢寇動稱數萬往來倏忽未至徵兵多擾費旣至召援輒後時欲戰則彼不來持久則我師坐老臣以爲邊防之策莫外於戰守守之大要有四修濬牆塹以固邊防增設衛所以壯邊兵經理甯夏以安內附整飭鞏昌州以遏外侵當務之急莫先於此今河套卽周朔方漢定襄赫連勃勃統萬城也唐張仁愿築三受降城置烽燧千八百所突厥不敢踰山牧馬古之舉大事者未嘗不勞於先逸於後夫受降據三面險當千里之蔽國初舍受降而衛東勝已失一面之險其後又輟東勝以就延綏則以一而而遮千餘里之衝遂使河套沃壤爲寇巢穴深山大河勢乃在彼而甯夏外險反南備河此邊患所以相尋而不可解也茲欲復守東勝因河爲固東接大同西屬甯夏使河套方千里之地歸我耕牧屯田數百萬畝省內地轉輸策之上也如或不能及今增築邊防敵來有以待之猶愈無策若夫策之最上者

明滇南五名臣集

楊文襄傳

又文上

則宜整軍飭武以期掃穴犁庭絕虜人影開擴郡縣而徙內地居民充實之方足以消弭國家萬世之外患也因條其便宜延綏安邊營石澗池至橫城三百里宜設墩臺九百座暖譙九百間守軍四千五百人石澗池至定邊營百六十三里平衍宜牆者百三十一里險崖峻阜可剗削者三十二里宜爲墩臺連接甯夏東路花馬池無險敵至仰客兵宜置衛與武營守禦所兵不足宜招募自環慶以西至甯州宜增兵備橫城以北黃河南岸有墩三十六宜修復帝俱可其議發帑金五十萬使一清築牆而劉瑾憾一清不附已一清遂引疾歸其成者在要害間僅四百餘里邊人恃以爲重瑾誣一清冒破邊費逮下錦衣詔獄大學士李東陽王鏊力救之事乃解仍致仕歸安化王寘鐸廢詔起一清提督軍務與總兵官神英西討中官張永監其軍未至一清故部將仇鉞已捕執之一清馳至鎮宣布德意張永旋亦至一清與結納相得歡甚知永與瑾有隙乘間扼腕言曰賴公力定反側然此易除也如國家內患何永曰何謂也一清遂促席盡掌作瑾字永難之曰是家晨夕上前枝附根據耳目廣矣一清慷慨曰公亦上信臣討賊不付他人而付公意可知今功成奏捷請間論軍事因發瑾奸極陳海內愁怨懼變起心腹上英武必聽公誅瑾瑾誅公益柄用悉矯前弊政收天下心呂強張承業暨公千戚三人耳永曰脫不濟奈何一清曰言出於公必濟萬

一不信公頓首擗地泣請死上前剖心以明不妄上必爲公動苟得請卽行事毋須臾緩於是永勃然起曰嗟呼老奴何惜餘年不以報主哉竟如一清策誅瑾永以是從一清左右之於帝召還拜戶部尙書論功加太子少保賜金幣尋改吏部一清於時政最通練而性闊大愛樂賢士大夫與其功名凡爲瑾所構陷者率見甄錄朝有所知夕卽登薦門生徧天下嘗再帥關中起偏裨至大將封侯者累累然亦不絕饋謝有所入緣手立散之大盜竄中原一清疏請命將調兵前後凡數上皆賜褒允時永已司禮時時密叩一清計爲進止機宜中外頗稱之以是益心德一清益平加太子太保廢子錦衣百戶再推內閣不用尙書

明滇南五名臣集

楊文襄傳

四

八

斯貴而進一清太子太傅時御史孟洋張樸劉天和王廷相成文給事中寶朋以言事及與鎮守中官忤繫詔獄一清屢請寬之帝不能盡用給事中王昂論選法弊指一清植私黨帝爲謫昂一清亦請寬之優旨報聞中官谷大用陸閏欲援張永例封其兄弟伯爵一清疏止之不聽乾清宮災詔求直言一清上書言視朝太遲享祀太慢西內創梵宇禁中宿邊兵畿內皇店之害江南織造之擾因引疾乞歸帝慰留而已亦無所更正大學士楊廷和憂去命一清兼武英殿大學士入參機務張永尋得罪罷而義子錢甯者故善一清有構之者因怨一清會有災異一清自劾陳時政之失中有狂言惑聖聽匹夫搖國是禁廷維

介胃之夫京師無藩籬之託語議切近梓帝弗省而甯與江彬輩聞之大怒使僉人藏賢輩於帝前爲詰語刺譏一清會有考察龍官者嗾武學生朱大周訐一清陰事而以甯爲內主給事御史周金陳軾等交章劾大周妄言請究主使者帝不聽一清乃力請骸骨歸賜勅諭褒給大廩如制一清歸老日益進所策朝事踰度無爽時目爲智囊臺司郡邑造請無虛日當世宗爲世子時獻王嘗言南方有三傑劉大夏李東陽及一清也心識之及卽位廷臣日交章薦一清乃詔還官賜金幣存問諭以宣詔期一清陳謝特予一子官中書舍人久之陝西三邊總制關詔一清以太子太傅改兵部尙書左都御史蒞之故相行邊自一清

明滇南五名臣集

楊文襄傳

五

八

始溫詔褒美比之郭子儀一清至是蓋三爲總制部曲皆踴躍喜旌旗壁壘色爲一新亦不刺竄西海爲西南訛河害金獻民言撫便獨一清請勦且未奉命卽遣將出師斬虜萬餘級自是西洗等邊患遂絕土魯番求貢陳九疇欲絕之一清則請撫會張聰等力排費宏御史吉案因請還一清內閣給事中章僑御史侯秩等爭之帝怒謫秩官召一清爲吏部尙書武英殿大學士旣入見加少師所兼仍太子太傅非故事也亡何獻皇帝實錄成加太子太師謹身殿大學士一清以不預纂修辭不許王憲平北虜奏捷推功一清加特進左柱國華蓋殿大學士費宏已去一清遂爲首輔帝賜銀章二日耆德忠正日繩行糾違令密封

言事與張璉論張永前功起爲提督團營給事中陸榮請
增築邊牆推明一清璉將議一清因力從恩之帝爲發帑
金命侍郎王廷相往然久亦竟止後因議禮事力疏乞骸
骨允致仕馳驛歸贈金幣明年張璉等構朱繼宗獄坐一
清受張容金錢爲永誌墓遂落職未幾憂國致疾疽發背
卒踰年廷臣交章奏請復故官贈太保諡文襄

明滇南五名臣集

楊文襄傳

六

文集

安甯楊文襄公著

後學李根源鈔輯

謝總督二邊表畧

人非三代何敢希方召之謀猷業本書生亦勉効范韓之
經畧但世平易玩法久漸墮政習因循人安偷惰不大改
絃轍無以作新士氣不力任忠良無以奮起事功又恐襲
樽俎之談或罔念邊疆之苦持文墨之論不服謀兵革之
難任耳易至於傳訛浮言每興於所忌

謝賜御製聽經筵官講大學衍義古詩表并恭和詩

竊惟大學有衍義之書乃宋儒真德秀所撰綱目燦然巨
細畢舉帝王修齊治平之道盡在目前古今興亡治亂之

明滇南五名臣集

楊文襄文集

一

跡如指諸掌故大學爲致治之本原而此書實大學之羽
翼有功於聖門有功於世道者也昔宋理宗謂德秀曰卿
所進大學衍義一書有補治道朕朝夕觀覽便合就今日
進讀講畢致詞欣然嘉納元仁宗見大學衍義謂侍臣曰
治天下此一書足矣因命王約節譯刊行以賜臣下至治
中翰林嘗譯之而進呈泰定間吳澄又以此而進講凡此
數君猶知尙慕故雖時丁未造亦能粗致小康至我朝太
祖高皇帝取是書揭之新殿兩廡壁門以代圖書憲宗孝
宗二帝又以是書命儒臣日輪講讀以廣見聞垂統之宏
規守文之至善盛治大業實由於此恭惟皇上睿極天縱
聖敬日躋憂勤惜大禹之寸陰終始念高宗之舊學大極

典謨之與綱苞史冊之繁能自得師儼師資之在上取人
爲善恐善道之或遺乃於出經入史之餘復有撮要鈎元
之命臣等竊以聖經賢傳必證以近事而後易知帝德王
功必參於是書而後易見乃援先朝之故事期補至善之
全功荷睿旨之俯從命儒臣以輪講微聽之頃溫以降顏
浹月之間充然有得親灑奎翰責及黃扉述其事由隱然
虞廷惟時惟幾之訓發爲韻語藹乎洪範無偏無黨之音
責以致君望其輔導感極而懼以榮爲慚蓋於嘉言之孔
彰仰見聖心之協一謹當身率僚屬非正心誠意之正道
不陳目覩聖時惟明德新民之極功是止僭依宸韻猥進
俚言豈敢步虞廷喜起之後塵亦勉効周臣矢歌之遺意

明滇南五名臣集

楊文襄文集

二

八

臣等無任感仰愧懼之至謹昧死言

大學有綱目所貴知後先吾皇重聰明一德惟憲天四方
會其極正直還平西山宋眞儒義衍千古前無後德乃
明主靜志不遷一理散萬殊察見毫芒顛經緯日勸講寒
暑無間然從茲進不已帝德何名焉臣愚復奚言祇煩編
熙篇海嶽自崇深涓塵効勤拳

整理邊務以備虜患摺子

題爲整理邊務以備虜患事案照先准兵部咨該部題該
提督軍務尙書金獻民題前事一件議處防守照得固靖
甘肅等衛所靖甯安定等州縣每歲冬初調集陝西西安
等衛所官軍臨鞏所屬等州縣民壯人等共一萬五千有

餘分布各城堡防守蓋恐虜賊踏冰過河深入侵犯之計
也訪得前項軍士多非正役非鄉野愚民則市井子弟武
藝未習戰陣未經或有廬無甲或有箭無弓多被領軍官
員貪圖糧米賣放回家見在者百無二三任情肆志虛應
故事如此若不嚴加查處非惟無益地方抑且虛費糧草
合無轉行陝西鎮巡等官今後如遇調集官軍分布各處
防守預行各該衛所州縣掌印官嚴加揀選人要壯健馬
要肥大器械俱要精好將選過官軍馬匹年貌齒色類造
小冊送鎮巡衙門以憑稽考或行兵備道或行守巡官不
時查驗點閱如或軍士有不足及軍器有不精者分別等
第將各該官吏叅提究問庶人心知所警懼而防守不致

明滇南五名臣集

楊文襄文集

三

八

虛設矣一件議處兵將竊惟禦虜以兵馬爲先以糧草爲
急固原一鎮爲三邊喉襟要衝總兵官所領官軍見在不
過五百員名守備官見在不過六百員名兵馬之寡弱也
甚矣倉卒有警委難支持訪得北虜自宏治十四年入寇
得利每年深入搶掠必由固原各該將領因兵馬數少不
過嬰城自守任其出入以此地方多被殘破人畜多被殺
虜見今虜賊擁眾入套侵犯之舉又在旦夕若止照往年
故事未免復遭荼毒合無將總兵官部下除見在五百名
并苑馬官軍二百名共七百名外再於各城堡各衛禦冬
防守官軍內選擇精壯二千三百員名共轄三千員名總
兵官統領防守官軍仍照例每年十月初一日依期赴操

二月河開無事故回有警留住本城支與行糧與見在官軍如法操練預備截殺守備官部下除見在官軍六百員名并苑馬三百員名與今擬增糧并各城堡挑選苑馬官軍共二千員名外未及之數照例懸賞於有丁人戶內召募千名亦募三千之數將守備改爲叅將名色統領殺賊仍聽總兵官調度該用馬匹於茶馬并苑馬寺給領或行太僕寺收貯官價支買召募銀兩於司府官庫查有無碍銀兩動支等因該本部覆題節該奉聖旨固原守備照舊其餘准擬欽此欽遵備咨前來案候議處聞近准兵部咨該本部題爲陳言邊務事該御用監太監張忠題前事內一件足邊兵以備警急竊照各邊鎮總兵副叅遊擊及各

明滇南五名臣集

楊文襄文集

四

城守備巡邊備冬備禦防守等項每額原有官軍或三千員名或一二千員名或三五百名累年禦冬出戰陣亡逃故等項數多見在者其間又多老弱不堪各該官員因循不行充補以致禦敵多無效用合無乞勅兵部行移各邊鎮巡及清軍兵備等官將各該將領部下官軍從公揀選精壯者存留戰伐老弱者退檢守城逃亡事故者清查充補請自命下文書到邊之日爲始限三箇月以裏務足原額之數如有遲限不完者着巡按御史指實劾奏問罪數足之後各該經管官員仍要加意撫卹毋役使以耗其力庶刻前以傷其心紀律嚴明訓練如法兵力既足緩急有備邊境可保無虞矣一件添設軍馬將官以固守衝要

照得陝西固原地方極鄰邊境實達賊出沒喉襟要路雖已設有總兵官一員統領人馬三千在彼住劄如往年達賊糾眾萬餘由此進境搶過平涼直至邠州方還前項兵馬勢孤力寡僅足保守城池本境禦敵若令轉戰未免顧彼失此臣愚以爲合無乞勅兵部計議停當轉行該鎮撫巡等官於固原衛并附近衛所軍士每軍戶下有三丁以上者抽一壯丁充當軍役仍取具衛所地方鄰右保結不許容無籍之徒冒濫收充以致因無恒產易於逃竄選足三千之數每人給賞銀十兩置買軍裝什物馬鞍鞍轡編成隊伍定擬衛所管轄所謂重賞之下必有勇夫是也仍照數處給馬匹騎征按月關支實米一石并馬匹草料務

明滇南五名臣集

楊文襄文集

五

圖經久及照陝西先年曾設有副總兵分守地方後因事甯裁革當此思患預防之際合無照舊添設謀勇副總兵一員統領前項軍馬用心撫卹如法操練統領分守固原等處往來駐劄應援遇警相機戰守庶虜寇知我有備不敢大肆深入衝要之地可以固守而無患矣等因兵部議擬覆題節該奉聖旨是邊兵着鎮巡等官揀選精壯的專備征戰逃亡的作急清勾固原地方應否添設軍馬將官還着提督尙書從長議處奏來定奪欽此欽遵備咨到臣照得陝西地方固靖環蘭沿邊一帶城堡東西延袤幾二千里多係通賊要路分兵而守無所不寡每遇虜賊侵犯賊數不多尚可支持捍禦倘似宏治十四年正德十三年